

ՀԱՅ ԲԱՐԲԱՌՆԵՐԻ ՁԱՅՆԵՂ ՇՆՉԵՂ ԲԱՂԱՁԱՅՆՆԵՐԻ ԳՈՐԾԱՌԱԿԱՆ ԲՆՈՒԹԱԳԻՐԸ

Հայտնի է, որ հայ բարբառների բաղաձայնական համակարգում ծայնեղ շնչեղների առկայությունն առաջին անգամ դիտարկվել է 19-րդ դարի վերջերին գերմանացի հնչյունաբան Ջիվերսի, ապա և Հր.Աճառյանի կողմից: Այդ հնչյունների «հանելուկային» բնույթի բացահայտման խնդիրը մեկ դար շարունակ հետաքրքրել ու զբաղեցրել է օտարազգի և հայ բազմաթիվ լեզվաբանների: Ձայնեղ շնչեղների արտաբերական-ընկալողական, ծայնաբանական, գործառական, տարածքային յուրահատկությունների շուրջ պարբերաբար արվել են ուշագրավ դիտողություններ, կատարվել են ծայնաբանական հետազոտություններ և հնչույթաբանական վերլուծություններ, որոնց արդյունքներն ի մի են բերված մեր՝ «Ձայնեղ շնչեղները հայերենի բարբառներում» անտիպ աշխատության մեջ:

Ձայնեղ շնչեղների գործառական արժեքի շուրջ հայագիտության մեջ արտահայտված տեսակետներն ի վերջո հանգել են դրանց հնչույթային արժեքի հավաստմանը կամ ժխտմանը:

Ձայնեղ շնչեղներին առկայությամբ բնորոշվող բարբառներում նախապես, առանց սկզբունքների հստակեցման Աճառյանն առանձնացրել է քառաստիճան (բ^օ, բ, պ, փ) և եռաստիճան (բ^օ, բ, փ) բաղաձայնական համակարգեր, որոնցում ծայնեղ շնչեղներին փաստորեն վերագրել է հպականների մյուս շարքերին հավասարազոր արժեք (1, էջ 105-106): Աճառյանի այս դասակարգումը ընդունվել և երկար ժամանակ կիրառվել է հայ բարբառագիտության բնագավառում (Ա.Ղարիբյան, Ա.Գրիգորյան, Գ.Ղափանցյան և այլք): Հետագայում Ղարիբյանը իր վերջին հոդվածներից մեկում Կենտրոնական Հայաստանի բարբառների քառաստիճան խումբը ներկայացրել է արդեն իբրև եռանդամ բ^օ, պ, փ համակարգով (2, էջ 26):

Գ.Ջահուկյանը իր հայտնի բանավիճային հոդվածներում (3), փաստարկելով բառասկզբի ծայնեղ շնչեղների և այլ դիրքերում հանդիպող ոչ շնչեղ (պարզ) ծայնեղների հնչույթային հակադրության բացակայությունը, դրանք առանձին հնչույթներ չի համարել: Սակայն ավելի ուշ, կրկին անդրադառնալով

քառաստիճան համակարգերի խնդրին, որոշակի սկզբունքների հաշվառմամբ գտնում է, որ զուտ ստատիկ-հնչյունաբանական դասակարգման համաձայն միայն բառասկզբի դիրքը հաշվի առնելով և բուն հայկական համակարգից ծայնեղասկիզբ թուրք-պարսկական փոխառությունները բացառելով՝ այդ համակարգերը կարելի է համարել եռաստիճան ծայնեղագուրկ՝ բ^օ, պ, փ, և եռաստիճան խլազուրկ՝ բ^օ, բ, փ (4, էջ 20): Դասակարգման այս նոր սկզբունքին, ըստ երևույթին, Ջահուկյանը հանգել է նաև այն նկատառումով, որ ոչ բառասկզբի դիրքերում «հնչույթների տարբերակիչ հատկանիշները հանդես են գալիս անբավարար հստակությամբ, և դժվարանում է ծայնեղների ու խուլերի, շնչեղների ու ոչ շնչեղների տարբերակումը» (4, էջ 48): Այս դասակարգմամբ ծայնեղ շնչեղների շարքը դիտվել է իբրև բաղաձայնական համակարգի լիիրավ անդամ: Այսուհանդերձ, Ջահուկյանը չի բացարձակացնում ծայնեղ շնչեղների հնչույթային արժեքը և նշում է որոշ բարբառներում (Նոր Նախիջևանի Զալթըր, Դաջըն) դրանց գործառնությունը խուլերի ազատ կամ դիրքային տարբերակների արժեքով (4, էջ 45):

Գամկրելիժեն և Իվանովը, թեև իրենց վերականգնած հ.-ե. բաղաձայնական համակարգում շնչեղության հատկանիշը հնչույթաբանորեն էական չեն համարում, այլ միայն ուղեկցող հնչյունական հատկանիշ, սակայն իրավացիորեն գտնում են, որ հ.-ե. այն լեզուներում, որոնցում դիտվում է ծայնեղ շնչեղների առկայություն, «Հնչույթաբանական հայեցակետից էական է այն, որ նման հնչույթներով համակարգերում դրանց շարքը շնչեղ խուլերի շարքի հետ գտնվում է հարաբերակցական հակադրության մեջ: Հենց հնչույթաբանորեն դրանք կարող են բնորոշվել իբրև ծայնեղ (ոչ խուլ) շնչեղներ» (5, 1):

Հակառակ տեսակետի համաձայն՝ ժխտվում է ծայնեղ շնչեղների հնչույթային արժեքը: Այն պաշտպանել են Էդ.Աղայանը, որի կարծիքով շնչեղ ծայնեղները ոչ շնչեղ (պարզ) ծայնեղների ենթահնչույթներն են (6), Հովհ.Սուրադյանը, ըստ որի՝ ծայնեղների շնչեղությունը չունի հնչույթային արժեք (7), և հնչյունաբան Ա.Խաչատրյանը, որ պարբերաբար զբաղվել է ծայնեղ շնչեղների փորձառական քննությամբ, դրանց բնույթի և գործառնական հատկանիշների բացահայտման խնդիրներով: Ըստ Խաչատրյանի՝ «Հայերենի շնչեղ ծայնեղները ինքնուրույն հնչույթներ չեն, այլ միայն ծայնեղ բաղաձայնների դիրքային տարբերակներ, որոնք հանդիպում են միայն բառասկզբում: Դրանց առկայությունը որոշակիորեն կապվում է անաջին վանկի ուժգին

արտասանության հետ» (8)։ Այս կարծիքի շուրջ նշենք մեր որոշ դիտարկումները։

ա) այն հիմնված է միայն Արարատյան բարբառի Աշտարակի խոսվածքի բաղաձայնական համակարգի հնչությաբանական վերլուծության տվյալների վրա (9) և, կարծում ենք, չպետք է ընդհանրացվի, քանի դեռ կատարված չէ այլ տարածքների ծայնեղ շնչեղներով բաղաձայնական համակարգերի հնչությաբանական համակողմանի ըննություն։ Ինքը՝ Ա.Խաչատրյանն էլ, ի դեպ, նշում է, որ իր եզրակացությունները դեռևս չեն սպառում խնդրի էությունը, քանի որ Աճառյանի և այլոց տվյալներով կան բարբառներ, որոնցում ծայնեղ շնչեղները հանդիպում են բոլոր դիրքերում և նույնիսկ ունեն իմաստատարբերակիչ գործառույթ (9, էջ 440)։

բ) Հայտնի է, որ բառասկզբի դիրքում հնչույթների տարբերակիչ հատկանիշները դրսևորվում են առավել հստակությամբ, ուստի և դա համարվում է ուժեղ դիրք, ըստ որում ծայնեղ շնչեղները գործառույթ են հիմնականում այդ դիրքում և համակարգի մյուս անդամների հետ մտնում հնչույթային հակադրության մեջ։ Ա.Խաչատրյանը Աշտարակի խոսվածքում ծայնեղ հնչույթներ է դիտել միջծայնավորային և հետռնգային դիրքերում, իսկ բառասկզբի ուժեղ դիրքում գործառույթ ծայնեղ շնչեղները համարել է ծայնեղների դիրքային տարբերակներ։ Պիտի նշենք, սակայն, որ միջծայնավորային և հետծայնորդային դիրքերը որոշ բարբառներում ու խոսվածքներում բացառված չեն ծայնեղ շնչեղների համար. օր. բ՞ըբ՞ուգ, ագ՞ահ (Բուլանուղ, Սիրբար գյուղ), բ՞օրբ՞ոս (Բայազետ), արեգ՞ակ (Արաբկիր) ... Իսկ հետռնգային դիրքում շնչեղությունը ծայնեղ թե խուլ, հայ բարբառներում մեծ մասամբ չեզոքանում է. օր. ամբար, գ՞անգատ (Բայազետ), խընձոր, սըմբուլ, գ՞ունդ (Բուլանուխ), փամբմ՞գ, քմնգըղիլ (<բամբակ, գանգատել, Տիգրանակերտ)։

Ուրեմն՝ հետռնգային ծայնեղ հպականները բաղաձայնական տվյալ համակարգի շրջանակում իսկապես դիրքային տարբերակներ պիտի դիտվեն։

Միջծայնավորային դիրքում հանդիպող ծայնեղները (լազոտ, ադամ...), կարծում ենք, բառասկզբի ծայնեղ շնչեղների հետ չպետք է դիտվեն հնչույթային միասնության մեջ և համարվեն միևնույն ծայնեղ հնչույթ։ Կենտրոնական Արարատյան-Գյումրի- Կարս-Մուշ-Ալաշկերտ... տարածքում, միջծայնավորային և բառավերջի դիրքերում գործառույթ ծայնեղ — կիսածայնեղները (աբուր, շաբիգ՞, ագ՞, կուղ՞ ...) չեն հակադրվում համակարգի

պարզ (ոչ շնչեղ) խուլերին, քանի որ ծագումով հանգում են դրանց, ուստի և հնչույթային միասնության մեջ պետք է դիտվեն ոչ թե ծայնեղ շնչեղների, այլ բառասկզբի պարզ (ոչ շնչեղ) խուլերի հետ (պատ, տուն, կուտ)՝ լրացուցիչ բաշխման հարաբերությամբ ներկայացնելով համակարգի ոչ շնչեղ հնչույթը: Համեմատել, օր.՝ բառավերջում հանդիպող կիսածայնեղները ծայնային հստակ որակ են ստանում հնչյունական շղթայում ծայնավորական միջավայրում ծայնեղանալով, խուլերի միջավայրում խլանալով. օր.՝ կուղ^ո, կուղ ուղի, կուտ կուղի, խող^ո, խօղեր, խոտ տուր, մաղ^ո -մաղի, մատ չունի:

Ի դեպ, ծայնեղի և խուլի՝ հատկապես հնչյունական շղթայով պայմանավորված փոխանցումները բնորոշ են նաև արևմտյան տարածքի որոշ հայ բարբառների (14):

գ) Անհրաժեշտ է նաև նկատի առնել հայ բարբառների կենտրոնական և արևմտյան տարածքների բաղաձայնական համակարգերի միջև առկա էական տարբերությունները: Այսպես, եթե կենտրոնական տարածքի բարբառների (Արարատյան, Գյումրի, Մուշ...) բաղաձայնական եռանդամ համակարգում (բ^Ը, պ, փ) ոչ շնչեղ հնչույթը բառասկզբի դիրքում խուլ է (տալ, տաշտ, պատ), ապա արևմտյան տարածքում՝ օր.՝ Սեբաստիայի բարբառի եռանդամ բաղաձայնական համակարգում (բ^Ը, բ, փ), ոչ շնչեղ հնչույթը նույն դիրքում լիարժեք ծայնեղ է (դալ, բաղ^ո). հմմտ. օր.՝ գ^Ըար (< գալ) - գար (<կար), դ^Ըուն (< դու) - դուն (< տուն), ծ^Ըեր (< ձեր) - ձեր (< ծեր)... (10): Այս դեպքում, երբ ակնհայտ է բառասկզբի դիրքում ծայնեղ շնչեղներով և ծայնեղներով բառային զույգերի իմաստային հակադրությունը, գ^Ը-ն և գ-ն, ծ^Ը-ն և ձ-ն, բնականաբար, չեն կարող ներկայացնել միևնույն ծայնեղ հնչույթը:

Այսպիսով, ամփոփելով մեր դիտարկումները, գտնում ենք, որ ծայնեղ շնչեղները, քանի որ հիմնականում գործառում են բառասկզբի ուժեղ դիրքում և հակադրվում են բաղաձայնական համակարգի մյուս անդամներին՝ շնչեղ խուլերին, ոչ շնչեղ խուլերին (կամ ծայնեղներին), այսինքն՝ ունեն իմաստատարբերակիչ գործառույթ, ուրեմն և դրսևորում են հնչույթային արժեք:

Ինչպես նշեցինք, հայերենի բարբառներում ծայնեղ շնչեղները գործառում են հիմնականում բառասկզբի դիրքում (բ^Ըէրան, դ^Ըուռ, գ^Ըըրել, ծ^Ըոր, ք^Ըաղաց), բառամիջում՝ բաղադրյալ կազմություններում (անդ^Ըուռ, փագբ^Ըէրան), մի շարք բարբառներում ու խոսվածքներում (Նոր Զուղա, Բայազետ, Արծափ, Մուշի որոշ վայրեր, Արաբկիր) նաև միջծայնավորային կամ նախածայնա-

վորային դիրքերում (ազճահ, բճորբճոս, արեզճակ), որտեղ, ըստ փորձառական քննության տվյալների, դրանք դրսևորում են հպական բաղադրիչի (հատուկի) զգալի ծայնեղություն (սրա մասին վկայել է մաս Ալլենը՝ Նոր Զուղայի բարբառի բաղաձայնների փորձառական քննության կապակցությամբ (11):

Ձայնեղ շնչեղները հայերենի բարբառներում հանդիպում են արտաբերական տարբերակներով, որոնք բնորոշվում են հիմնականում հազագային բնույթի յուրահատկություններով (12): Ըստ այդմ՝ առանձնանում է երկու հիմնական տարբերակ՝ ուժգնային (ինտենսիվ) և թույլ (ոչ ինտենսիվ): Սրանց ընդհանուր հատկանիշը հպական բաղադրիչի ձայնային ոչ կայուն որակն է՝ ձայնեղությունից մինչև խլություն, իսկ տարբերությունը որոշվում է հազագային բաղադրիչի ձայնեղության բնույթով՝ ձայնորդային (ուժգնային) հազագի առկայությամբ կամ բացակայությամբ, որով դրսևորվում է հնչյունի արտաբերական ուժգնության աստիճանը:

Մեր կատարած դիտարկումների համաձայն (ըստ որում ելակետ է ընդունված բառասկզբի ուժեղ դիրքը)՝ ձայնեղ շնչեղները հնչությաբանական մակարդակում գործառնում են իբրև բաղաձայնական եռանդամ համակարգի լիիրավ միավոր: Համակարգը բաղկացած է ձայնեղ շնչեղ, խուլ շնչեղ և ոչ շնչեղ հնչույթներից: Ուժգնային տարբերակով բաղաձայնական համակարգերում՝ ձայնեղ շնչեղ-խուլ շնչեղ հարաբերակցության մեջ, մեր կարծիքով, հակադրություն են ստեղծում ոչ թե ձայնեղություն-խլություն, այլ ձայնեղ շնչեղություն-խուլ շնչեղություն էական հատկանիշները, որոնք մաս հնչությաբանորեն պետք է դիտվեն անտարրալուծելի: Համակարգի ոչ շնչեղ հնչույթը, անկախ ձայնային որակից (խուլ, ձայնեղ, կիսաձայնեղ), նշված հարաբերակցության եզրերից յուրաքանչյուրին հակադրվում է ոչ շնչեղություն հատկանիշով. օրինակներ (Մուշ, Բուլանուխ)

բճդ^տ (խոշոր) - փեդ^տ (փայտ)

դճուր (զալ) - թուր - տուր

զճնեւ - քննել

դճաշտ - տաշտ

զճոդ - կող

դճան (այնտեղ) - թան

զճզել - կըզել

կար - քար

դճալ - թալ (զցիր) - տալ

ծճախ - ցախ - ծախ

դճաս - թաս - տաս (տալ, ըղծ.)

ծար - չար

Այսպիսով՝ ձայնեղ շնչեղ հնչույթը ուժգնային տարբերակով բաղաձայնական համակարգում դրսևորվում է մեկ էական հատկանիշով՝ ձայնեղ

շնչեղությամբ, որը բնորոշվում է իբրև ստորին կոկորդային (լարինգալ) մաքուր կամ աղմկավոր ծայնային արտաբերություն (12): Անկախ հնչյունի հապական բաղադրիչի որակից ծայնեղ, խուլ, թե կիսածայնեղ, հնչյունի բնույթը որոշվում է ծայնեղ հագագով՝ ինչպես արտաբերական – ընկալողական, այնպես էլ փորձառական և գործառական հայեցակետերով: Այնպես որ հնչյունի ծայնեղ շնչեղ (և ոչ շնչեղ ծայնեղ) անվանումով արտացոլվում է նրա՝ հնչույթաբանորեն էական հատկանիշը:

Ձայնեղ շնչեղների ուժգնային տարբերակը գործառուում է հայերենի բարբառների կենտրոնական, հարակից արևմտյան և մասամբ հյուսիս-կենտրոնական տարածքներում:

Ձայնեղ շնչեղների թույլ (ոչ ինտենսիվ) տարբերակը ընդհանուր առմամբ ընկալվում է որպես շնչեղ, սակայն, ի տարբերություն նախորդ տարբերակի, զուրկ է հագագի յուրահատուկ կոկորդային բնույթից: Նրանով սկսվող առաջնավանկը չունի ուժգնային արտաբերություն (ինտենսիվություն): Ըստ Աճառյանի՝ «...երևի ... այս կարգի բաղաձայնների մեջ շունչը թրթռուն չէ» (13, էջ 15): Ձայնաբանական (օսցիլոգրաֆիկական) հետազոտության տվյալների համաձայն՝ նրանում ծայնեղ շնչեղությունը իրացվում է հիմնականում խուլ հագագի (h) մասամբ ծայնեղացած տարբերակով, այսինքն ունի թույլ բնույթ՝ զերծ աղմկոտ արտաբերությունից: Այսուամենայնիվ, եռանդամ բաղաձայնական համակարգում ծայնեղ շնչեղների թույլ տարբերակը թեկուզ և թույլ արտահայտված մասամբ ծայնեղ շնչեղությամբ հակադրվում է համակարգի ուժեղ, բոլոր դիրքերում կայուն անդամին՝ խուլ շնչեղներին, և ոչ շնչեղ հնչույթին, որը հնչյունապես իրացվում է որպես ծայնեղ, կիսածայնեղ և խուլ. կիսածայնեղները հնչյունական հստակ որակ են դրսևորում խոսքի շղթայում՝ համապատասխան հնչյունական միջավայրում ծայնեղանալով կամ խլանալով: Այս տարբերակը տառադարձվում է հետևյալ կերպ՝ ք՝, գ՝, դ՝, ծ՝, ջ՝ (15). օրինակներ (խոտրջուր).

Գ՛ար (գալ, անկ.անց.) - գար-քար

գ՛ող - ճող (ճ-ն կիսածայնեղ)

գ՛ալ - կալ

գ՛էր - կէր

դ՛ալ (դալ, խիժ) - ղալ (տալ)

դ՛աս - դաս - թաս

դ՛ուք - թուք

Ձայնեղ շնչեղների թույլ տարբերակը գործառուում է հայ բարբառների արևմտյան ցրիվ տարածքում՝ խոտրջուր, Ակն, Գամշեն (Մալա), Առտիալ,

Սուջավա, Նիկոմիդիա, Բեյլան, Նոր Նախիջևան, որոնցից, ցավոք, փորձառական քննության է ենթարկված միայն խոտրջուրի հպականների համակարգը:

ՃԱՆՈԹԱԳՐՈՒԹՅՈՒՆՆԵՐ

1. Հր. Աճառյան, Հայ բարբառագիտություն, Մոսկվա-Նոր Նախիջևան, 1911, 105-106:
 2. Ա.Ղարիբյան, Հայերենի հպականների համակարգը, Հայկական կոնսոնան-իզմը միջազգային լեզվաբանության զնահատմամբ, Ե., 1976, 26:
 3. Գ.Զահուկյան, Հայ բարբառագիտությունը և հայերենի բարբառների ծագման հարցը, ՊԲՀ, 1959, թիվ 2-3: К вопросу о происхождении консонантизма армянских диалектов, ВЯ, 1960, N 6.
 4. Գ. Զահուկյան, Հայ բարբառագիտության ներածություն, Ե., 1972:
 5. Т.Гамкрелидзе, Вяч. Иванов, Индоевропейский язык и индоевропей-цы, I, 1984, 15.
 6. Էդ.Աղայան, Գրաբարի քերականություն, Ե., 1964, 150:
 7. Հ. Սուրադյան, Հայոց լեզվի պատմական քերականություն, 1, Ե., 1982, 284:
 8. Ա.Խաչատրյան, Ժամանակակից հայերենի հնչությաբանություն, Ե., 1988, 146-147:
 9. А.Хачатрян, Природа звонких придыхательных согласных в некото-рых армянских диалектах, Лингвистическая география, диалектология и история языков, Ер., 1976, 435-436. Նույնը՝ 440:
 10. Հոդվածում բերված բարբառային օրինակները քաղված են ԳԱԱ Հր.Աճառյանի անվան լեզվի ինստիտուտի հայ բարբառագիտության բաժնի՝ ըստ ՀԲԱ ծրագրի հավաքված ձեռագիր նյութերից:
 11. W.Allen, "Notes on the phonetics of an Eastern Armenian speaker", "Transactions of the Philological society", Oxford, 1950.
 12. Ա.Հանեյան, Շնչել ձայնեղների արտաբերական տարբերակները հայերենի բարբառներում, Երիտասարդ լեզվաբանների հանրապետական հինգերորդ գիտաժողովի նյութեր, Ե., 1986, էջ 60-62:
 13. Հր.Աճառյան, Քննություն Առտիալի բարբառի, Ե., 1953, 15:
 14. Դ.Կոստանդյան, Երզնկայի բարբառը, Ե., 1979, 21-23:
- Ձայնել շնչելության երկու տարբերակների տառանջանները՝ **С** և **З**, ինչպես նաև հնչյունի ձայնաբանական հիմնական հատկանիշի թուլության նշանը **-**, ներկայացվում են ըստ հայերենի բարբառագիտական տառադարձության՝ ԳԱԱ Հր.Աճառյանի անվան լեզվի ինստիտուտում մշակված նոր համակարգի: